

Nd.

89. Breytingartillögur

við frv. til 1. um verðlagningu landbúnaðarafurða o. fl.

Frá 2. minni hl. landbúnaðarnefndar.

1. Við 1. gr. Greinin orðist svo:

Stjórn Stéttarsambands bænda, er stofnað var að Laugarvatni 9. september 1945, er með lögum þessum falið fyrst um sinn:

1. að ákveða verðlag á landbúnaðarafurðum á innanlandsmarkaði (kjöti alls konar, mjólk og mjólkurafurðum, garðávöxtum);
2. að annast aðrar framkvæmdir, sem hingað til hafa verið í höndum mjólkursölunefndar, mjólkurverðlagsnefndar, kjötverðlagsnefndar og verðlagsnefndar garðávaxta.

2. Við 2. gr. Greinin orðist svo:

Stjórn Stéttarsambands bænda gegnir enn fremur þessum störfum:

1. gerir tillögur til landbúnaðarráðuneytisins um setning reglna um gæðaflokkun og verðflokkun landbúnaðarafurða;
2. ákveður verðjöfnunarsvæði samkvæmt 1. gr. laga nr. 1 7. janúar 1935 og verðlagssvæði samkvæmt 9. gr. laga nr. 2 9. janúar 1935;
3. ákveður verðjöfnunargjald á kindakjöt, mjólk og mjólkurafurðir;
4. stuðlar að hagnýtri verkun og meðferð landbúnaðarafurða og hagkvæmri nýtingu markaða fyrir þær, jafnt innan lands sem utan.

3. Við 3. gr. Greinin orðist svo:

Stjórn stéttarsambandsins ræður sér framkvæmdastjóra og annað starfsfólk. Framkvæmdastjóri sér um daglega afgreiðslu mála og annast önnur störf, er stjórn stéttarsambandsins felur honum.

4. Við 4. gr. Greinin orðist svo:

Á fundum stjórnar stéttarsambandsins ræður afl atkvæða úrslitum.

5. Við 5. gr. Greinin orðist svo:

Allur kostnaður, er leiðir af framangreindum störfum, greiðist úr ríkissjóði eftir reikningi, er ráðherra úrskurðar.

6., 7., 8. og 9. gr. frv. falli burt.

7. 10. gr. verður 6. gr.

8. 11. gr. verður 7. gr.